

于時覺法法親王被籠於彼山。率僧徒雖相救。忽不能打滅。件塔。正曆五年爲雷火被燒。今如此。定有由緣歟。攝政近日爲參彼山。被始精進。依此事停止畢。是可被行結緣灌頂故也。今日於仙院御所召卿相兩三人。聊有被尋事。得長壽院修理間事也。件御堂頗西方傾。而被加修理之間。佛像可奉出。寺大佛新以開眼之後。烏雀犯之。笠置彌勒加彩色之後。靈驗惟少。准此等例。更不可動。左衛門督公教卿申云。堂舍實可及傾危者。爭不被奉移他所。靈神靈社皆有遷宮事。因茲其驗不可失歟。勅定云。白河院末。法勝寺圓堂御佛爲修理。被渡他所。其後無程不吉事。御坐云々。仍一切不可動之由。議定畢。今夜月犯心大星。○十三日甲午。今日季御讀經始也。權大納言源雅定卿參。先定申願請。參議教長卿書之。次上卿召少外記中原長俊召仰堂童子事。權大納言藤實能卿。同宗輔卿。權中納言公教卿。重通卿。參議經定卿。教長卿等參仕。左少將源定房。右少將藤俊通。爲南殿出居。以中門廊爲南殿代。以寢殿爲御殿也。次重通卿留仗座。行軒廊御卜事。是則賀茂社言上羽蟻出來事。平野社樹木頓倒事也。今日已剋。一院於佛頂堂去頃所被寫之宸筆心經尊勝陀羅尼。並人々所課如法般若經書寫人。

名帳等被啓白之。以權律師仲胤爲導師。無請僧。只發願軀也。件人名帳。依院宣宮內大輔定信書之。未剋。於大貳清隆卿堂_{東山七條末}。被供養。日來書寫如法大般若經。備二十種之供具。奏八音之妙曲。結緣道俗如雲如霞。院別當因幡守藤原信輔。判官代式部少輔範兼。及主典代。廳官以下。監主臨其事。其後富士上人末代賜如法經退出。是可埋駿河國富士山_{一料也}。

陰陽寮。

占平野社司言上怪異吉凶。去四月廿九日午時。本社葉垣

內。口徑二尺許樹一本頑倒。

四月廿五日丙子。時加午。功曹臨丑爲用。將玄武。中大衡。將大裝。終天岡。將白虎。卦遇氣聯茹。

推之。依神事穢氣不淨一所致之上。公家可慎御々藥事歟。期怪日以後卅日內。及來十月。十一月。明年正月節中。並壬癸日也。何以言之。將帶玄武。辰上并御年上見大陰。是主神事穢氣不淨。用起老氣所勝。終得天岡白虎。是主御藥事之故也。至期慎御。無其咎乎。

久安五年五月十二日

漏剋博士賀茂朝臣周憲
權助權天文博士安倍朝臣晴道

陰陽寮

本朝世紀 久安五年

五月

七百十五